



**Bou ons kinders vir
môre**

**Voorskoolse-
Sondagskool**

Les Titel: Die skepping van die wêreld

'n Ouerhandleiding
Sondagskooltuisonderrig



Liewe Ouer

Welkom by die les: **”Die skepping van die wêreld”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSH5
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die skepping van die wêreld
Bybelwoord	Genesis 1
Lesdoelwit	Die kinders leer van alles wat deur God geskep is. Ons is bly oor die verskeidenheid en prag van die skepping.

Lesopsomming:

- Aan die begin was daar niks, die wêreld was net gevul met donkerte.
- God het toe alles in net 6 dae geskep en op die 7de dag het Hy gerus.
- Dag 1 - God het lig geskep en die lig van die donkerte geskei. Hy het die lig dag en die donkerte nag genoem.
- Dag 2 - God het die lug geskep, water het die wêreld bedek. God 'n koepel geskep het om die water te verdeel en op twee afsonderlike plekke te hou - bokant die koepel en onder die koepel. God het die koepel "lug(hemel)" genoem.
- Dag 3 - God het beveel dat die water onder die hemel op een plek moes versamel en dat droë land verskyn, dit word aarde genoem. God het op hierdie dag die see, riviere, mere, berge en allerhande plante geskep.
- Dag 4 - God het die son geskep om bedags te skyn en die maan en sterre om snags te skyn.
- Dag 5 - God het alle soorte visse geskep om in die see te lewe en allerhande voëls om die lug te vul. God het die visse en voëls gemaak sodat hulle kon voortplant sodat hulle kon vermeerder.
- Dag 6 - God het alle soorte dierelewe geskep: huishoudelik en wild, groot en klein. Dan het God mense geskep, 'n man en 'n vrou, na sy beeld (om soos Hy te wees). Al die diere en die mense kon voortplant en vermeerder.
- God het die mense geseën om heersers oor al die diere, visse en voëls te wees.
- God het gekyk na alles wat Hy geskep het en was baie tevrede daarmee en op dag 7 het Hy gerus.



Wat beteken hierdie les vandag vir ons?

- God kan alles doen en weet alles. Hy is baie kragtig en almagtig.
- God het alles geskep, selfs vir my en vir jou en ons moet na sy skepping omsien en beskerm.
- God het ons lief, Hy is in beheer en ons moet Hom altyd glo en vertrou.

Sommige vrae wat ons kan vra:

1. Hoeveel dae het dit God geneem om hemel en aarde te skep? **Antwoord: 6 dae**
2. Op watter dag het God mens geskep? **Antwoord: Dag 6**
3. Vir wie het God beheer oor die diere, visse en voëls gegee? **Antwoord: die mens**
4. Wat het God op Dag 7 gedoen? **Antwoord: God het gerus**

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.